

10067

=7b



皇朝文獻通考卷一百三十二



王禮考

八

上

尊號

徽號

乾隆十六年十一月乙酉以

皇太后六十萬壽加上

崇慶慈宣康惠敦和皇太后

崇慶慈宣康惠敦和裕壽皇太后先是九月辛卯

諭禮部朕惟合九州以致養非徒問視之常儀統列服
以尊親曷罄顯揚之至願矧官庭集慶欣盛典之安
昭而海宇騰歡思鴻聲之通晉式稽茂禮允洽徽章
欽惟

聖母崇慶慈宣康惠敦和皇太后德懋安敦功符厚載恩
垂教育最一人宵旰之勤化起修和錫兆庶昇平之
福懿徽允著廣敷及物之仁菲履常綏彌篤受天之
祐茲以一陽之月恭逢

萬壽之期值花甲之初週際芳辰之正永前者親扶

玉輅見東南父老共效嵩呼今則慶溢

璇宮與中外臣民同登壽域河清海晏幸際昌期巷舞衢

歌悉惟

慈福用伸誠悃恭晉

隆稱敬加上

聖母皇太后徽號日

崇慶慈宣康惠敦和裕壽皇太后

蘭殿稱觴奉

天顏之有喜

營闈迓祉祝

聖壽以無疆奉册寶而騰輝合四海之歡心共戴映金甌

而靄瑞與

萬年之景祚俱長其應行典禮爾部敬謹詳議具奏至是

恭奉

册寶加上

徽號前期一日遣官祭告

天

地

太廟後殿

奉先殿

社稷

上詣

皇太后宮恭上奏書至日

上御太和殿閱

册寶率王公大臣詣

皇太后宮恭上

册寶行禮越三日

上率王公大臣詣

皇太后宮恭祝

萬壽宜表行慶賀禮

上御太和殿王公百官上表行慶賀禮

頒詔天下

詔曰帝王寅紹丕圖首隆尊養恭承泰運洽慶邦家鴻
名彰至德之符上壽錫敷天之福際昇平於六宇祝純
嘏於重闈所以宣播徽猷敦崇愛敬必儀文之大備庶
典禮之事昭恭惟

聖母崇慶慈宣康惠敦和皇太后運詒以升恒化符悠久贊

軒圖而立極翊舜日以重光荷勅育之恩勤慈仁懋

著勅幾康於密勿保治彌隆厚澤守洽於羣生祺祥光

於九有頤顏長樂苞元氣之彌於介祉承歡布太和

之洋溢茲值辛未仲冬之月恭逢六旬

聖壽之期福自天申躬膺

慈眷集鴻禧之美備廣運難名順率土之尊崇

徽稱適駿祇告

天

地

宗廟

社稷於乾隆十六年十一月二十二日率王公文武羣

臣恭捧

冊寶加上

聖母崇慶慈宣康惠敦和皇太后徽號曰

崇慶慈宣康惠敦和裕壽皇太后福履優游彌衍淳熙之

緒泰符昌熾式敦敷錫之源盛典特隆湛恩用溥於

戲播

徽音而錫類萬年樂有道之長綿

景祚以凝麻四海沛無疆之澤布告天下咸使聞知

二十年六月己酉以伊犁平定大功告成加上

崇慶慈宣康惠敦和裕壽皇太后徽號曰

崇慶慈宣康惠敦和裕壽純禧皇太后先是五月己亥

諭禮部朕惟德威遠播必揚義問於無窮

懿範昭宣聿展孝思於不匱敬承啟佑遐方之文治覃敷

備極顯揚萬國之歡心普洽膚功迅奏茂典宜崇欽

惟

皇朝文獻通考 卷一百三十二 四

皇朝文獻通考 卷一百三十二 五

聖母崇慶慈宣康惠敦和裕壽皇太后教育推恩安貞垂
裕載萬物以應地盡仰

慈暉斂五福以錫民咸登壽域茲遇西陲平定紹

祖功

宗德以綏猷是皆

慈訓周詳配

大烈

耿光而並懋慶舒長之愛日遐增介福於無疆扇廣莫之

音仁風益鞏皇圖於有永從此邊氛肅靖海宇又安繼

列聖之鴻謨澤流

宗社慰

文母之燕翼喜溢庭闈敬抒歸美之忱用篤尊崇之典加

上

聖母皇太后徽號曰

崇慶慈宣康惠敦和裕壽純禧皇太后輝騰瑤冊嘉祥徧

耀於八紘瑞集

璇宮繁祉常增於萬禩謹增

顯號允協彝章其應行典禮爾部敬謹詳議具奏至是恭

奉

冊寶加上

徽號前期一日遣官祭告

天

地

太廟後殿

奉先殿

社稷

上詣

皇太后宮恭上奏書至日

上御太和殿閱

冊寶率王公大臣詣

皇太后宮恭進

冊寶宣表行慶賀禮

皇后率

貴妃

妃

嬪公主王妃命婦詣

皇太后宮行禮

上御太和殿王公百官上表行慶賀禮

皇后率

貴妃

妃

嬪於

皇上前行禮

貴妃

妃

嬪公主王妃命婦詣

皇后宮行禮是日

頒詔天下

詔曰朕寅紹丕基統御中外痾瘵念切宵旰勤求惟期

綏靖邊陲乂安黎庶俾享昇平之福益增康阜之風

若乃絕域歸誠膚功迅奏

祖宗未竟之緒綿

社稷無疆之庥固事會之所期實

懋昭之有自彝章式著慶典彌光準噶爾部落僻處荒陬

未膺朝命妄思雄長凌擾諸番昔我

皇祖聖祖仁皇帝勤三駕以親征

皇考世宗憲皇帝命六師而致討迨朕御極正及撤兵聊示羈縻准通貿易詎包荒之既久乃骨肉之自殘而逆豎達瓦齊篡弒相尋人心瓦解始則車楞伍巴什等款關請附繼則阿陸爾撒納等率衆來降既不忍拒之遐方自當爲登之衽席是用揆幾度勢命將出師因其向化之誠寄以前驅之任該將軍等同心戮力布德宣威大軍所至自噶爾丹多爾濟以及

諸部各台吉喇嘛回民等莫不拜舞輸忱歡迎載道壺漿夾路耕牧不移遂直抵伊犁收其部衆撫綏安輯咸慶更生無血刃遺鏃之勞奏掃穴犁庭之勝計自始事以迨捷聞曾未數旬迅成偉績歷稽往牒實所希逢在於朕心倍深兢業此皆沐

蒼穹之默眷

皇朝文獻通考

列祖之鴻庥故能暢播遠猷光昭駿烈已分遣皇子恭叩祖陵代行告祭謹於乾隆二十年六月初一日親詣太廟躬申祇告并遣官祇告

天 地

社稷暨

先師孔子用申謝悃至朕日侍

璩宮親承

懿訓溥

慈暉於海宇

錫厚澤於生民仰惟垂裕之

恩宜晉顯揚之號茲於本月初七日率王公文武羣臣恭

奉

冊寶加上

聖母崇慶慈宣康惠敦和裕壽皇太后徽號曰

崇慶慈宣康惠敦和裕壽純禧皇太后兩階之文德覃敷

鞏皇圖於有永萬國之歡心允洽介純嘏以彌增用

溥覃恩聿光盛典於戲廣

仁恩於茂育遠敷熙皞之隆崇

光烈之觀揚永慶綏和之治布告天下咸使聞知

二十六年十一月甲寅以

皇朝文獻通考 卷一百三十二
皇太后七十萬壽加上

崇慶慈宣康惠敦和裕壽純禧皇太后徽號曰

崇慶慈宣康惠敦和裕壽純禧恭懿皇太后先是九月

諭禮部朕惟壽共福臻宜懋祝釐之典名因德顯聿崇

歸善之文矧茲四海之昇平悉蒙

慈蔭爰合萬方之歌頌肅晉

隆稱慶節宏開徽章式煥欽惟

聖母崇慶慈宣康惠敦和裕壽純禧皇太后厚德凝禧深
仁錫福協安貞而應地道備坤儀最宵旰以勤民治

登泰運春暉遍煦九州之民物
恬熙愛日常懸萬國
之冠裳忭舞茲以一陽之月恭逢

萬壽之期逾花甲之初遇更逢十稔
喜履長之叶慶駢集
千祥當鶴算之頻增正鴻圖之益壯
梯山航海望金闕以抒誠東賚西琛奉

璇闈而祝嘏爰稽典禮用展悃忱敬加上

聖母皇太后徽號曰

崇慶慈宣康惠敦和裕壽純禧恭懿皇太后寶冊輝騰龍
文光耀鞏金甌而永祚占玉晷以迎和垂裕方隆欣

太平之有象承麻未艾祝

聖壽以無疆其應行典禮爾部敬謹詳議具奏至是恭奉

冊寶加上

徽號前期一日遣官祭告

天

地

太廟後殿

奉先殿

社稷

上詣

皇太后宮恭上奏書至日

上御太和殿閱

冊寶率王公大臣詣

皇太后宮恭進

冊寶行禮越二日

上率王公大臣詣

皇太后宮恭祝

萬壽官表行慶賀禮百官於

午門外隨行禮

上御太和殿王公百官上表行慶賀禮

頒詔天下

詔曰帝王恭膺景命孝治當先肅奉徽儀恩施用溥際
太平之上理溯源必始於宮闈昭尊養之隆文行慶
聿周於海宇萬國被咸寧之福千秋揚頌禱之聲顯
號遐宣蕃釐茂集欽惟

聖母崇慶慈宣康惠敦和裕壽純禧皇太后仁心篤慶懿
德凝庥含章允洽於坤元厚載常昭於泰運恩垂啟

迪勗宵旰以維勤業廣敷施教幾康於無逸托慈雲
之普覆闔澤羣靈仰愛日之長懸陽和遍煦壽域開
而版圖式擴春臺陟而嘉應駢臻茲逢辛巳之仲冬
恭慶七旬之

聖壽自天申命聿昭保定之符率土騰歡特著尊崇之義
爰祇告

天

地

宗廟

社稷於乾隆二十六年十一月二十日率王公文武羣臣恭捧

冊寶加上

聖母崇慶慈宣康惠敦和裕壽純禧皇太后徽號曰

崇慶慈宣康惠敦和裕壽純禧恭懿皇太后第祿永綏光

啟壽昌之運彝章具舉化敦敷錫之原鉅典攸昭隆

恩式展於戲介

慈釐而錫福萬年之景祚彌長崇

慶典以推恩四海之歡心畢協布告天下咸使聞知

三十六年十一月丙辰以

皇太后八十萬壽加上

崇慶慈宣康惠敦和裕壽純禧恭懿皇太后徽號曰

崇慶慈宣康惠敦和裕壽純禧恭懿安祺皇太后先是三

十四年十二月

諭曰朕尊養

璇闈展愛承

歡一切務臻隆備前者每逢

慶典加上

聖母皇太后徽號悉遵會典成規敬製金冊金寶以爲準
儀昭度程式宜然近稽體仁閣尊藏法物則

孝莊文皇后玉冊玉寶具存皆康熙年間

皇祖歷次加奉

太皇太后徽號所進者乃知冊寶原有刻玉之制因恩國
家

傳寶質皆琢玉而下逮親藩封爵冊寶亦得以範金是嘉
玉較視良金尤爲寶貴越歲辛卯恭遇

聖母八旬萬壽朕將躬率羣臣恭加

徽號用洽彝章所奉冊寶自官備極珍崇以稱朕尊
親茂慶之志尋禮部遵

旨議奏恭奉

皇太后

冊寶皆用嘉玉以隆

慶典奉

旨依議至是

躬奉

冊寶加上

皇朝文獻通考卷一百三十三
徽號前期遣官祭告

天

地

太廟後殿

奉先殿

社稷

上詣

皇太后宮恭上

奏書丙辰

上御太和殿恭閱

冊寶率王公大臣詣

皇太后宮

躬上

冊寶行禮恭進

皇太后八旬萬壽加上徽號冊文

璇闈錫羨德施昭曼壽之徵

蘭殿敷慈福集紀鴻名之嫩際自古希聞之

大慶祥越義軒晉從今遞積之

皇朝文獻通考卷一百三十三

皇朝文獻通考 卷二百三十二
徽稱音揚任如孚歡陬澁喜洽清寧欽惟

聖母崇慶慈宣康惠敦和裕壽純禧恭懿皇太后陛下

厚德頤恬

繁禧垂裕

禋源昌熾履箕範之敏敷

順氣彌綸協坤輿之光大天開

聖節景迓長春欣八表之崇登祝

萬年之介祉疊遵

懿訓寅奉

怡顏依

愛日以循陔舞綵逮六旬以上戴

春暉而負辰垂衣臻三紀于茲

膝繞雲初臚嘉祥於五世野多耄耋開

壽宇於八方有慶則兆民同尊

親以天下養頌賡徧德疊蠲二稅以阜成雅咏作人聯啟

兩闡而彙吉四言下管新苞茂之瑤宮萬歲呼嵩掖

省巡之

翟輅維錫類承

歡之茂集總合羣黎百姓之心凡家慶國瑞之駢臻皆由
聖母一人之福載稽舊典式備多儀制更重於祿金禮特
隆夫嘉玉用宜延喜珍來西母之瑄環矧乃象功貢
底闡河之璆璧彝章肇定

顯號游加謹告

天

地

宗廟

社稷率諸王貝勒文武羣臣恭奉

冊寶上

徽號曰崇慶慈宣康惠敦和裕壽純禧恭懿安祺皇太后
肅布愉悰虔申祈頌繹參辭之應地安乃承貞次詩
什於生民祺維介景捧瑤笈而獻籙陳芝牒以迎

釐伏願

純嘏長綏

弗康彌邵律生萬事之本八暢元音籌添億歲之盈十
基積數從此京垓演策川長山壽躋悠久于坤元章
部引年日升月恒並增興於天保臣誠懽誠忭稽首

頓首謹言辛酉

上率王公大臣詣

皇太后宮恭祝

萬壽宜表行慶賀禮

上御太和殿王公百官上表行慶賀禮

頒詔天下

詔曰朕惟宮庭集祉聿闋起化之原海宇抒忱晉効臚
權之祝矧際盛希聞於自古福備箕疇而延禧兼懋
於方來慶餘義畫既揆辰而稽典宜申命以用庥爰

洽彝章式敷愷惠欽惟

聖母崇慶慈宣康惠敦和裕壽純禧恭懿皇太后

至德儲祥

深仁篤祐

坤成厚載萬方崇

養志之忱

泰運光亨三紀荷持盈之

訓當紫籞觴稱

八表正黃鍾管叶一陽六旬舞綵躬親五世聯唵繼晉班

皇朝文獻通考 卷一百三十二
分九老番番同會觀醜賜逮百年衮衮並叨晉秩披
輦而東皇獻錄天門修望岱之儀陪筵則西旅輸琛月
預呼嵩之列先辛與先庚迭應

景祚駢臻式金將式玉尤珍

鴻章特備十六字爲序爲頌述

德方長億萬年得壽得名承

歡允協祇告

天
地

宗廟

社稷於乾隆二十六年十一月二十日丙辰率廷臣文

武羣臣恭奉

冊寶加上

聖母崇慶慈宣康惠敦和裕壽純禧恭懿皇太后徽號曰

崇慶慈宣康惠敦和裕壽純禧恭懿安祺皇太后

安著頤和之永恆應

地德以無疆

祺徵福履之恒綏迓

天庥于茲至用溥尊

親之紀彌宏

錫類之恩布告天下咸使聞知

四十一年五月辛未以金川平定加上

崇慶慈宣康惠敦和裕壽純禧恭懿安祺皇太后徽號曰
崇慶慈宣康惠敦和裕壽純禧恭懿安祺寧豫皇太后先

是二月乙卯

諭曰將軍阿桂等奏金川全境蕩平逆酋兄弟及助惡
頭人悉皆擒獲大功告成紅旗報捷此皆仰賴

昊蒼鴻佑朕惟益凜敬寅而邊徼輯寧從此銘勳偃武實

由

聖母祖庇詒慶滋長歸

善顯揚尊崇宜備謹擬加上

皇太后徽號朕率王公大臣等共申慶賀以昭

慈闈燕喜所有應行典禮著內閣博考鉉章交各衙門敬

謹承辦具儀以聞癸未大學士等奏加

皇太后徽號恭擬加尊字樣請

定奉

諭旨加上

寧豫二字至是恭奉

冊寶加上

徽號前期遣官祭告

天

地

太廟後殿

奉先殿

社稷

上詣

皇太后宮恭上奏書是日辛未

上御太和殿閱

冊寶率王公大臣詣

皇太后宮恭上

皇太后徽號冊寶宣表行禮百官俱於

午門外隨行禮

上恭上

皇太后冊文上言

堯門啟瑞樞光昭耆定之模

妣幄基祥帡蔭衍昇平之慶頌孚海宇忭集臣鄰欽惟

聖母崇慶慈宣康惠敦和裕壽純禧恭懿安祺皇太后陞

下

聖裕徽音

福徵厚德

尊親並戴合萬國以臚歡

名壽兼隆臻億齡而履順茲值金川之底績爰陳

瑤牒以告勳溯彼巒巒構爭始猶寬其齊斧繼乃猛狼肆

抗終難追其威弧揚兩路之先聲兵非得已簡八旗

之勁旅勇且知方越險摧堅不啻功成百戰擣巢翻

窟於斯事歲五年予小子籌筆辛勤每履

慈詢之垂念師武臣劬旌勞勩克馳捷奏以慰

懷兵銷騰日月之光升恒祝

嘏樂作叶韶鞀之盛美善歸

親宜晉

鴻稱用崇

燕喜精璆聯珎稽朝家隆重之儀

嘉璽瑀珍抒中外喁于之願謹告

天

地

宗廟

社稷率諸王貝勒文武羣臣恭奉

冊寶上

徽號曰崇慶慈宣康惠敦和裕壽純福恭懿安祺寧豫皇

太后

萬捧

芝函虔申葵悃釋箕疇之來備是日

康寧演義畫之利行實惟

豫順

懿美式新夫蒼錄

蕃釐允迓夫琅編伏願

道契安貞

性彌愷樂闡

昌符於金石寶爰恒新熙

洪號於垓埏蘿圖益煥常來王而常來享共球同紀殷篇

皇朝文獻通考 卷二百三十二
莫不興而莫不增川岳長賡周雅臣誠懼誠忭稽首

頓首謹言是日

上御太和殿王公百官上表行慶賀禮

頒詔天下

詔曰朕懋膺

景命寅紹丕基殫夙夜以勤求準仁義而並用惟期遐邇
嚮化海宇乂安益臻熙洽之隆長享昇平之福茲當
殄靖蕃落掃蕩蠻氛定一勞永逸之模際偃武敷文
之會鴻勳既集慶典宜申兩金川者錯居蜀徼久隸

土司毒實等於虺蛇惡更甚於梟獍懷以德而不知
感藏其奸而無所懲索諾木則羆又生羅僧格桑則
蚤還附屬始猶諒爭其蝸角尚無庸取彼鯨鯢乃敢
違約以噬鄰浸至僭恩而拒命無可赦當正其罪不
得已斯加以兵爰收鄂什之侵疆倒懸是解遂入美
諾之深穴傳檄而平兇渠竟喙走以潛逋逆豎敢顏
行之顯抗輒爾逞謀於射影公然徼劫於僭轅尤覆
載之所不容誠神人之所共憤於是申命元戎俾專
薄伐簡八旗之勁旅分兩道以徂征勇勵則所向無

前算勝則有攻必克梯峻若從天而降履險或絕地
以登賊衆每悉力以負嶠我軍屢出奇而扼隘殲厥
徒醜非竄卽誅摧乃卡礪靡堅弗破勒烏圍先翻其
狡窟噶喇依旋擣其窮巢諸寨因次第剪除羣兇亦
駢聯就縛是役也帑藏幾費七千餘萬閭閻未煩粒
粟寸絲師武臣歷百戰之辛勤余一人經五年之籌
畫仰賴

昊蒼昭貺

列祖洪庥事恒集於因難幸茲揚武功克底於可久願永

洗兵入桃關而星弧載囊謁

橋山而露布適奏遂乃祇奉

安輦言舉東巡禮

岱宗而祝

慈禧告

闕里而宣鴻捷郊臺循勞還之典午門行受俘之儀紫
閣酬庸第勲績而膺懋賞

璇闈送喜歸美善以晉

尊稱謹告

天

地

宗廟 社稷於乾隆四十一年五月初一日率王公文武羣臣

恭奉

冊寶加上

聖母崇慶慈宣康惠敦和裕壽純禧恭懿安祺皇太后

徽號曰

崇慶慈宣康惠敦和裕壽純禧恭懿安祺寧豫皇太后

寧常受福符來備於箕疇

豫永延和叶利行於羲畫用光大禮特沛覃恩於戲駉鴻

禧於六幕揚

徽昭耆定之祥頒鳳詔於十行會極溥平康之治布告天

下咸使聞知

恭上

皇太后

尊號

徽號儀凡

國有大慶加晉

崇稱

制下禮部尚書一人赴內閣承

制諏吉以

聞乃徧布諸司供備豫期禮部工部官會製

冊寶於內務府既辦擇良辰恭鐫

冊文

寶文是日所司豫設案於內閣政事堂中設冊寶亭一香

亭一於製造所門外內閣大學士禮部工部尚書

侍郎咸朝服集政事堂祇候至吉時工部司官奉

冊禮部司官奉

寶設亭內鑾儀校昇行香亭在前次冊亭前列御仗二華

蓋一禮部官屬前導至內閣門外亭止有司奉

冊

寶恭設于案

冊東

寶西退閣部大臣均行三跪九叩禮大學士一人奉

冊一人奉

寶以授匠人鐫字於潔室

右誼日具冊寶

屆期前一日遣官各一人祇告

天

地

太廟後殿

奉先殿

社稷如常儀

右祇告

是日內閣具奏書書詞隨時撰擬盛於岳黎明鑾儀衛豫

皇太后儀駕鹵簿於

慈寧門外至

長信門外內監陳中和韶樂於

慈寧宮檐下陳丹陛大樂於

長慶門內禮部鴻臚寺官豫設案一於

慈寧門外又設案一於

中和殿內均正中南向武備院卿豫設

皇帝拜位於

慈寧門案南北向大學士一人朝服奉奏書函中書舍人

前導至

中和殿階下導者止大學士以奏函入

中和殿陳於案外其緘展書加函上退俟於東檐禮

部尚書侍郎二人詣

乾清門奏時遂前導

駕

皇帝禮服乘輿出宮內大臣侍衛前引後扈如常儀至

中和殿北階降輿詣

殿內案前北向

閱奏書畢轉立東次西向大學士一人進納書函內恭

奉由

殿中門出禮部尚書侍郎導引前行

皇帝乘輿從至

永康左門外奉奏書大學士由中門入至

慈寧門東階下導者止奉奏書大學士進陟中階近案前

折旋就左門之東負序西面立

皇帝降輿入左門禮部尚書侍郎恭導以下行禮皆恭導

慈寧門東階循南牖西向立後扈內大臣從升凡行禮進退皆從

立於後前引十大臣領侍衛內大臣豹尾班侍衛

至東階下止立如三大節儀大學士一人由西階

升就立西檐下宣讀官一人從升少後立均東面

鴻臚寺鳴贊一人立於東楹西面一人立於西楹

東面禮部尚書轉傳內監奏請

皇太后御慈寧宮

皇太后禮服出宮中和韶樂作樂章與三大節同

陞座樂止

皇帝詣拜位北向立奉奏書大學士暨西檐大學士咸

進至案前左右立鳴贊奏跪

皇帝跪大學士跪奏書於右興退

皇帝受奏書恭獻大學士跪接於左興陳案上退鳴贊

贊宣奏書宣讀唱官進至案前北面跪啟函恭奉奏

書宣讀訖仍納於函興退皆復位奏拜興丹陛大

樂作樂章與三大節同

皇帝行三跪九拜禮興樂止復位禮部尚書轉傳內監

奏禮成

皇太后降座中和韶樂作樂章與三大節同

還宮樂止

皇帝降階導從如來儀出

永康左門乘輿還宮內監舉奏書案入大學士以下皆退

右進奏書

至日五鼓所司陳

皇帝法駕鹵簿樂懸於

太和殿外陳

皇太后儀駕樂懸於

慈寧宮均如儀設案於

太和殿內又設案於

慈寧宮門外及階下均正中南向又設案於階上左門之

東西向序定班位

慈寧門外案南正中為

皇帝進册寶位北向奉册寶大學士二人位左案之東西面接册寶大學士二人位西檐下東面宣讀官

二人位西檐大學士之後鴻臚寺鳴贊二人分立於前檐東西面前引後扈內大臣侍衛王公文武百官記注糾儀傳贊各官立位拜位均與三大節同

右陳設序位

鷄初鳴王公文武百官朝服畢會所可設龍亭二於內閣門外禮部侍郎詣閣暨內閣學士奉

金冊

金寶於盃奉宣讀

冊文

寶文於函分置亭內鑾儀校舁行前冊亭後寶亭禮部官

屬十人前引導以御仗二華蓋一由中路降升至

太和殿階下前引止亭至殿內冊亭左肆寶亭右肆

奉冊寶官奉

金冊

金寶陳於案

冊東

寶西鴻臚寺官引王以下入八分公以上由

太和殿左右門入於丹陛上序立引公侯伯子男文
二品以上官於右翼門外序立引三品以下官於
平門外序立禮部尚書侍郎二人詣
乾清門奏時遂前導

駕

皇帝禮服乘輿出宮前引後扈如常儀至

太和殿北階降輿中和清樂作

皇帝御殿北向閱

冊寶訖樂止

右臨軒閱冊寶

皇帝既祇閱

冊寶畢奉冊寶官恭奉

冊寶置亭內鑾儀校昇行詣

慈寧宮

皇帝乘輿從王公暨文武二品以上官各於所立位跪

候龍亭

御駕過輿以次從至

永康門外龍亭由中門入

慈寧宮東階下亭止

皇帝降輿禮部尚書侍郎恭導以下行禮皆恭導入左門禮部

侍郎內閣學士奉

金册

金寶陳於階下案大學士二人奉宣讀

册文

寶文由中階升陳於左案遂就位立

皇帝升自東階循南牖西向立大學士二人由西階升
就立西檐下宣讀官二人從升立少後鳴贊立東

西楹鴻臚寺官引王公百官咸依班序立與三大節同

禮部尚書轉傳內監奏請

皇太后御慈寧宮

皇太后禮服出宮中和韶樂作樂章與三大節同

陞座樂止禮部侍郎內閣學士就階下案奉

金册

金寶升中階陳於中案退

皇帝就拜位北向立鴻臚寺官引王公以下文武百官
咸北面就位立大學士就案奉宣讀

册文

寶文暨西檐大學士咸進至中案前左右立鳴贊奏跪

皇帝跪羣臣皆跪奏進

册大學士跪進

册於右與退

皇帝受

册恭獻大學士跪接於左與陳於中案退奏進

寶如進

册之儀贊宣

册宣册官進至案前北面跪啟函恭奉

册文宣讀訖仍納於函與退贊宣

寶如宣

册之儀畢皆復位內監四人昇

册寶案二人前導由中門入陳於

慈寧宮檻外正中南向退鳴贊奏拜與丹陛大樂作

樂章與三

大節同

皇帝率王公羣臣行三跪九拜禮

午門外序立百官承傳隨班行禮畢樂止

皇帝復東次立王公以下各退就班位立禮部尚書轉
傳內監奏禮成

皇太后降座中和韶樂作樂章與三大節同

還宮樂止

皇帝降階出

永康左門乘輿還宮翊衛如來儀羣臣各退

右進册寶

皇帝既率羣臣上

册寶禮畢內監移設丹陛樂於

慈寧門東西檐下設

皇后

皇貴妃

貴妃

妃

嬪拜位於

慈寧宮月臺上設公主福晉命婦拜位於丹陛上北向內

監轉奏

皇后

皇后率六宮公主福晉命婦詣

慈寧宮行禮如三大節之儀

右中宮率六宮公主福晉命婦朝賀

翼日所司入

太和殿鋪陳鑾儀衛官陳

法駕鹵簿仗馬步輦五輅馴象鼓吹常朝象樂部和聲

署陳樂懸均於常次

皇帝御殿受賀百官行禮均如三大節之儀

頒詔布告天下

右臨軒受賀

恭遇崇上

皇太后徽號於

暢春園

奏書儀注

乾隆三十六年

皇太后八旬萬壽崇上

徽號

上於暢春園進

皇朝文獻通考 卷一百三十二
奏書是日早鴻臚寺豫設黃案一于

暢春園

九經三事殿內正中鑾儀衛設龍亭華蓋御仗於

圓明園

宮門外樂部設導迎樂於龍亭前內閣禮部堂官率

屬俱蟒袍補服齊集

圓明園大宮門外大學士自內閣奉

奏書出陳於龍亭內校尉昇亭華蓋御仗前道導迎樂
作內閣禮部官前引大學士學士禮部堂官隨行至

暢春園大宮門外樂止大學士於龍亭內奉

奏書內閣學士禮部堂官前引入

暢春園大宮門至

九經三事殿內大學士恭奉

奏書陳于黃案上禮部堂官轉傳內監總管恭奉

奏書詣

皇太后宮陳設屆時

上衣龍袍衮服詣

暢春園請

皇太后安恭進

奏書禮成

上還圓明園大學士以下皆退

尊封

皇祖妃嬪

皇考妃嬪儀凡

尊封

皇祖妃嬪

皇考妃嬪

制下禮部誦吉以

聞豫期製

冊寶印

皇貴太妃

冊印

太妃

冊寶均送內

閣鐫字行禮如儀

右誠日具冊寶

屆期前一日遣官各一人祇告

太廟後殿

奉先殿如常儀

右祇告

至日內監設仗

皇貴太妃 貴太妃 於
如儀仗 太妃以下采仗於

太妃 宮門外鑾儀衛備采亭於內閣門外五鼓禮部尚
太嬪

書一人朝服詣內閣內閣禮部官奉

冊寶印于亭內鑾儀校舁行冊亭前寶印亭後導以繖

仗禮部司官十人前引大學士一人暨禮部尚書

後隨恭送至

太妃 宮門外授內監內監舁亭入至階下亭止奉
太嬪

冊寶陳於案恭上

太妃 出告禮成大學士尙書各退
太嬪

右遣官尊封

若尊加

太妃封號

皇帝親詣行禮內監設

太妃座於宮內 皇貴太妃 貴太妃座西南向
僉設 太妃西向旁設如同日並封

皇貴太妃 貴太妃西南東
南向僉設 太妃東西向旁設 禮部鴻臚寺

官設案於宮門外正中南向又設案於門左西向

武備院官設

皇帝拜位于中案前北向辨執事官位奉冊寶大學士

二人如同日並封奉冊位東案之東西面宣讀官

二人如同日並封各位西檐下侍儀御史二人禮

部官二人位西階下均東面鴻臚寺鳴贊二人位

東西柱前東西面漏未盡鑾儀衛陳

法駕鹵簿於

太和門前如常儀設采亭于內閣門外禮部侍郎詣

內閣暨內閣學士朝服奉

金冊

金寶金印及宣讀

冊文

寶印文於亭內鑾儀校舁行禮部官前引如儀由中路

行至

太和殿內陳設

冊亭左

寶印亭右稍僉向如同日並封依位次為左右僉設旁

寶印亭禮部尚書侍郎詣

在下 乾清門奏時

皇帝禮服乘輿出宮前引後扈如常儀

皇朝文獻通考 卷一百三十一
御太和殿南向立閱

册寶印訖鑾儀校昇亭出

皇帝乘輿導引扈衛如初詣

太妃宮至宮門階下亭止禮部侍郎內閣學士奉

册寶印由中階升設於中案退大學士二人奉宣讀

册文

寶印文升中階設於東案却立案後執事官咸入侍立

駕至宮門中階下降輿禮部尚書侍郎恭導陞中階立

於門左西向內監轉啟

太妃

太妃禮服出陞座

皇帝就正中拜位北向立大學士進至中案左鳴贊奏

進

册大學士跪進

册文

皇帝立受拱舉仍授大學士大學士與陳于中案退又

奏進

寶印如進

皇朝文獻通考

卷一百三十一

三

冊儀大學士皆退自東階降鳴贊贊宣

冊宣讀官進至中案前北面跪啟函奉

冊宣讀訖納於函退贊宣

寶印亦如之皆退自西階降內監昇

冊寶印案進設

太妃座前退鳴贊奏跪拜興

皇帝行二跪六拜禮

太妃起避立座旁禮畢

太妃降座還內宮禮部尚書奏禮成

皇帝由中階降乘輿還宮執事官皆退翼日

皇帝御太和殿王公百官行慶賀禮如儀

右親進冊寶

臣等謹按順治九年十月丁卯尊封

太宗文皇帝二妃曰

皇考懿靖太貴妃

皇考康惠淑妃設黃幄二於

昭聖慈壽皇太后宮前東西相向設

太妃座於幄內

太貴妃在東

淑妃在西

世祖章皇帝親奉册寶於

二妃前共行三跪九拜禮次日

御殿行慶賀禮乾隆元年十一月壬辰尊封

聖祖仁皇帝四妃曰

皇祖壽祺皇貴太妃

皇祖温惠貴太妃

皇祖順懿密太妃

皇祖純裕勤太妃

上親詣

寧壽宮行禮以

世宗憲皇帝服制不奏樂停止慶賀八年十一月尊封

皇祖温惠貴太妃曰

皇祖温惠皇貴太妃

上親詣行禮如儀四十三年十月晉封

皇考裕貴妃曰

皇考裕皇貴妃

上親奉

册寶

詣

裕皇貴妃宮行禮

皇朝文獻通考卷一百三十二



